

The Bosnia Times

BUKVIĆ DEMANTIRA PISANJE THE BOSNIA TIMESA: Radi se o relevantnom i smišljenom ataku na moralni, privatni i poslovni integritet Bukvića

Nije poznato da je Amer Bukvić demantirao pisanje medija povod teksta koji je objavio Centar za istraživačko novinarstvo (CIN), a kojeg je uz redakcijsku opremu prenio i The Bosnia Times. Zašto demantira samo TBT? Prosudite sami!

15. Avgusta 2019.



Obraćam Vam se sa zahtjevom, po ovlaštenju podnositelja zahtjeva, radi objave ispravke neistinitih informacija koje su objavljene na internet portalu thebosniatimes.ba, dana 28.06.2019. godine, pod naslovom «GDJE SU ZAVRŠILI MLADO-MUSLIMANSKI IDEALI(STI): Jedna vreća zlata za Bakira, jedna za Amera, jedna za Farisa...» a sve u skladu sa članom 8 Zakona o zaštiti klevete FBiH.

U skladu sa odredbama Zakona o zaštiti od klevete FBiH zahtijevamo da ovaj demanti bude objavljen bez promjena ili dopuna i to na isti način kako je portal thebosniatimes.ba, prvobitno objavio gore navedeni članak.

Unatoč opšte poznatoj činjenici kako je Bosna Banka International d.d., jedna od vodećih finansijskih institucija u Bosni i Hercegovini, autor teksta u okviru senzacionalističkih i netačnih navoda ovog članka pokušava ovu finansijsku instituciju dovesti u vezu sa stranačkim krugovima, imenovanjem istog kao neoficijelnog vođe grupe malezijskih studenata i kao osobe koja upravlja novcem porijeklom iz islamskih zemalja, a sve u negativnom kontekstu, kako bi povrijedio čast i ugled izazvao negativne reakcije u javnosti u vezi sa radom ove finansijske institucije.

Gore naznačeni glavni urednik, objavio je bombastičan i senzacionalistički naslov «GDJE SU ZAVRŠILI MLADO-MUSLIMANSKI IDEALI(STI): Jedna vreća zlata za Bakira, jedna za Amera, jedna za Farisa...» pretpostavljamo sa namjerom da privuče pozornost javnosti cijeneći da u društvenom ambijentu i okruženju kojem živimo, takvim naslovom očito može privući interes čitateljstva.

– Prilog: Fotokopija članka preuzetog sa portala thebosniatimes.ba (u prilogu)

Dakle, još iz samog naslova članka vidljivo je da se radi o relevantnom, smišljenom, unaprijed planiranom i dogovorenom ataku na moralni, privatni i poslovni integritet podnosioca zahtjeva. Dakle, navedeni napad prema intenzitetu i prilikama sredine, te prema prosječnom shvatanju datog vremena i date društvene sredine uzrokovao je jasno manifestiranu povredu časti i ugleda podnosioca zahtjeva. Nadalje, glavni urednik je iskoristio neobjektivni i paušalni članak CIN-a, kako bi iznio činjenice koje su jasne i poznate samo njemu. Drugim riječima rečeno, glavni urednik je upravo zbog uvoda predmetnog članka na predmetni tekst iskoristio u propagandističku svrhu.

Upravo ovakvim objavljivanjem teksta i njegovim posebnim isticanjem sa davanjem senzacionalističkog naslova, nesumnjivo je prekoračena granica dozvoljene kritike i sasvim je jasno da se ne radi samo o sumnjama, već upravo o teškim i ozbiljnim optužbama koje urušavaju moralni, privatni i poslovni integritet podnosioca zahtjeva. Glavni i odgovorni urednik portala thebosniatimes.ba, jednu uglednu ličnost dovodi u vezu sa stranačkim/političkim krugovima, upravljanjem određenim privrednim društvima i vlasništvu u kapitalu istih, a da u objavljenom tekstu nije ponudio niti jedan dokaz na osnovu kojeg bi se ti senzacionalistički naslovi povezali sa tekstom.

Zapravo, činjenice koje je u navedenom članku objavio portal thebosniatimes.ba od 28.06.2019. godine, u potpunosti su neistinite i prema intenzitetu i prilikama sredine, te prema prosječnom shvatanju datog vremena i date društvene sredine.

Objavljivanjem sadržaja predmetnog teksta, smatramo da ste zanemarili zahtjeve savremene medijske prakse kao i najvažnije postavke savremene edukacije novinara, te novinarske osnove koje se odnose na imperativ tačnosti, vjerodostojnosti istine, pa sve do novinarske etike. Upravo te novinarske osnove predstavljaju neophodan temelj na kojem se treba razvijati multimedijalnost koja se i jučer i danas i sutra, traži i zahtjeva od novinara.

Očigledno je da ste objavljivanjem paušalnog teksta, te iznošenjem i prenošenjem grubih neistina citiranim tekstom nanijeli štetu, koju je podnositelj zahtjeva trpio i još uvijek trpi, pa iz tog razloga zahtijevamo da se objavi demant ove informacije i javno se ispriča za ovakvo postupanje.

/Amer Bukvić po punomoćniku Advokatu Damiru Katici/